

頤
道
堂
詩
選

頤道堂詩選卷二十四

錢塘 陳文述 退菴

以黃鶴樓呂祖石刻像贈穹窿山道士系之以詩

紫清誰主昇仙格神仙今數邯鄲客岳陽樓上屢攜樽黃
鶴樓頭自吹簫江城五月開梅花蓬中吹落枝橫斜不知
人世白牡丹何似天上萼綠華爐頭九轉金丹熟服霧餐
霞顏似玉青瞳如月妙寫真仙棗亭前秋一幅鍾吾山高
翠入雲絳節來往雲中君珠宮縹緲綵雲裏五銖俠侍留
仙裙黃庭夜誦秋如水幾輩羽衣仙弟子我亦真靈位業
人來學人間長不死

梁溪弔清微道人

仙女墩前仙女家，珠宮彷彿魏無瑕。如何水北杉青牖，不見城南萼綠華。烟舫翠深緣檻窄，雨簾紅濕隔闌花。幾番雙槩梁溪路，一抹微波漾斷霞。

西沕望陽羨諸山懷齊梅麓並寄謙谷

出沕天宇開帆輕，馬脫轡南岸青山多。一一翔翠鳳陽崖，朝霧歛陰壑。殘雪凍仙蹤，離墨古隱跡。善卷重芳草，祝英臺微雲。玉女洞餘峯，不知名宛宛。若羣從我友，齊君房雅慕。蘇和仲買田茲山下，誅茆隣楚頌柳意。漸溟濛已有曉，驚呀何事不歸來。春鋤任催種，舟急浪花噴舵尾。青山送稚子，翦春燈。老親開酒甕，今宵瀨陽城。應有池塘夢。

曉過罨畫溪

罨畫溪山畫不如人家都在畫中居
村農理鋤蓑猶掛漁
頗停橈
未梳高樹拂簾窺
坐鳥澄波拭鏡數行魚
我來
著色屏風裏
水枕低昂臥讀書

桑連理館示謙谷

溧陽縣署有連理古桑一株其一幹在縣丞署昔
曼兄宰斯邑因樹爲屋以館同志今謙谷來佐邑
事復以斯館名之亦宗盟嘉話也

潁陽一樹桑分占東西廨異本而同條高出堂皇外捧日
交虹蜺承露分沆瀣曼兄我宗盟爾名若行輩爾昔從之
游學習兼學畫今來步後塵各有華嚴界坐對嘉蔭濃不
覺聽事隘仙樵奉老親彷彿護樹背努力慕循良人情此

邦最他年棠棣碑一樣歌勿拜

橫山訪陶隱居讀書堂

翠壁萬松涼先生舊草堂山中石門靜窗下玉泉香丹訣
庚申守仙經甲子忘避人鍊金液何必定華陽

方山道中是秦始皇鑿以通淮水處

舍舟復遵陸云入方山道秦皇開鑿處石勢若城堡平岡
帶複嶺陂陀隱林杪山田半在山茆屋人家少屋前與屋
後亦有方塘繞黃農在田家耕桑足溫飽兒童媚元夕亦
覺春燈好行近秦淮源遺趾紛野草遠望鍾山青一角出
雲表

金陵節院懷孫寄圃節相

六朝山翠擁高城
鈴閣蕭閒憶老成
道氣深時民隱達
國恩重處宦情輕
江流浩渺春陰遠
岱色蒼茫夕照明
極目靈光瞻魯殿
更無人似范長生

梅龍抱孫歌

焦山古梅如臥龍
橫枝倒影江流中
一朝風雨龍化去
曼香吹散青天空
何年新榦破雲出
也學老梅勢奇崛
鱗鬣依然蒼蘚深
爪牙漸著冰霜密
王孫公孫皆有名
爾梅願與同崢嶸
寒酸不妨任本色
要令結實能和羹
山僧屋在梅花下
我未題詩淚先灑
老梅無子幸有孫
我亦人間抱孫者

瓊臺仙客歌贈楊子堅

人生難得惟仙才
尋詩亦向仙山來
前生合是晉孫綽
一樽爲我譚天台
天台四萬八千丈
瓊臺高出天台上
洞天福地兩飛仙
劍氣丹光出仙掌
石梁橫作青天虹
飛流直下雙白龍
芒屨帶雲踏龍脊
舉頭長嘯生天風
綵雲萬疊瓊臺月
玉梅萬樹瓊臺雪
鐵笛橫吹破暝烟
頭銜自署瓊臺客
瓊臺西去多桃花
家家玉女餐胡麻
一峯遙指赤城赤
花光潑起成丹霞
採藥猶存昔行處
惆悵溪邊憶儔侶
扁舟遠溯武陵源
我是桃花舊漁父

女弟子許定生爲余寫桃花漁隱小照極雲山烟水之致賦此誌謝

種罷桃花更種魚
前身合是武陵漁
美人湖上新營宅
學

士橋邊舊結廬何處溪山非栗里此中風景似華胥多君
添寫樵青伴竹裏煎茶味有餘

聽子堅話雪後月夜石梁觀瀑之勝卽題天台詩後
雪夜觀瀑瀑如雪月夜觀瀑瀑如月雪月交光影明滅石
梁橫空寒欲裂銀盤照透殘雪明銀河倒挂銀濤生石梁
臥月月有影石梁踏雪雪有聲月華轉松壓寒黛雪風吹
松響空籟千山開徧太古梅香自月中來雪外青天凍結
月漸低華頂隱隱聞天雞芒鞋歸去石梁滑紅霞笑指瓊
臺西

寶應舟中呈英煦齋師相

萬行楊柳拂春烟夾道焚香畫舸前父老重祈司馬相兒

重都頌潞公年數言曾使兵消劫西域軍事重兵聚阿克蘇以待春融進兵此議
自公發之兩疏真如石補天謂海運及旗人論罷河渠商出處
白頭師弟倍纏綿

紅玉盤歌

楊君子堅言京口西山蘭若有深紅牡丹一叢開
六花大者如盤以工部尺度之徑尺二寸圍三尺
六寸傾城往觀詫爲花瑞因以紅玉盤名之賦詩
索和

綵雲壓檻香圍榭仙山樓閣芳春夜羯鼓催開第一花國
色無雙玉無價曉烟扶影嬌春風四圍綠葉花當中朝霞
染出仙露濕枝枝艷奪珊瑚紅花園三尺徑一尺花瓣重

重數千百分明簾下水晶盤滿貯櫻桃赤瑛赤乍疑竊窕
萬玉妃六宮新賜花王緋又疑誤入華鬘界六銖爭縮花
神佩玉女進食凝仙漿龍女獻花羅羣芳雕盤一一薦凡
案衆香國裏生天香君不見后土瓊花色嬌姸又不見衛
公玉蕊姿妍冶爭似仙家一品紅魏紫姚黃遜都雅看花
多少玉顏姝絕世紅芳似爾無長種青蓮花世界佛前留
伴玉盤盂

鄭夢白都轉屠琴隲太守選乾嘉以來詩爲正聲集
賦贈四律並簡趙菊潭明經楊子堅上舍

開編詩城萬樹花

國朝詩品盛乾嘉勞君親削三千牘

勝我新編六十家

余有六十八家詩選

四海耆英皆灑落百年壇坫

儘風華藏函先付雕龍與絕勝書樓護碧紗余舊藏故人詩數十家咸

荷入選

扶風絳帳有金釵肯讓徐陵序玉臺幾輩高寒住崑閬有
人清淺話蓬萊湖山是處三生石闌閣居然一代才珍重

碧城詩弟子別裁還與手親裁

諸君議以閨閣一門屬余選定女弟子詩咸得入選

寒家尚有未刊詩半是唐風半楚詞僮僕舟車馳蠹簡生
徒燈火寫烏絲門庭瀟灑書千卷身世蒼茫酒一卮不悔

揚州三月住仙壇風雨共然脂

先府君種藥齋詩及家人詩十種咸入選

消磨元髯換華顛嘯傲名場四十年半世閒情累兒女餘

生心事託神仙武林何日客歸隱文苑他年或附傳多感

諸君珍重意恐將蕭艾誤蘭荃

大家例選百首余詩亦及百首甚愧不稱故云

天瓶醉陀歌爲趙菊潭作

天瓶見雜譬喻經

壺公之壺不可得人間處處皆荊棘不如跳入天公瓶中
有醉鄉兼酒國王孫嗜酒如渴羌開垆十里聞酒香凌雲
賦多酒金少酒債擲得稱尋常不如歸依米汁佛苦海迷
津思寶筏神通頓幻阿脩羅快意如遊鬱單越問君此瓶
從何來梨花春甕桃花醅海中釀酒糟邱臺長江之水天
上來招取酒人頌酒德螺贏螟蛉同侍側買絲欲繡信陵
君莫似相如還好色天上酒星地酒泉醉陀合喚酒中仙
散花應讓維摩詰管領華鬘色界天

寄題天台劉阮祠

天台桃源在瓊臺下中隔溪水曰惆悵溪爲仙女

送劉阮處溪中礪石大小不一翠苔深尺許可涉
而過左右兩村劉阮二姓世爲婚姻齊次風侍郎
爲建劉阮祠並祀二仙女天台令楊君蓮趺爲重
修之喜爲神仙眷屬留此勝跡也偶與予堅話山
中故事因爲此詩

地久天長免別離一祠分占屋東西春來依舊桃花笑水
上何妨翠蘚低我欲攀蘿仙倘許客來採藥路休迷朱陳
村與劉樊侶隔斷紅塵是此溪

得汪少海書知杭郡詩人建李杜祠堂於金沙港寄
題一律

芒鞋辛苦錦袍寒白也飄零甫也歎花月可知前代事湖

山如劉古人看何妨畫像依金粟曾否沉香種牡丹應約
題襟續高會蘇隄吳苑兩詩壇

樂仙壇詩

余來邗上下榻贊化宮蓋近人建以奉呂祖者卽
樂仙壇舊址也

翼翼贊化宮深深樂仙壇仙翁此留迹滿地松陰寒翁家
晉蒲阪翁生唐貞元翁昔舉進士屢踏槐花烟襖衫漣緇
塵一第嗟艱難翁昔作民牧仙侶閑金尊高亭隔烟水九
巖蒼屏環翁性耽翰墨海內傳詩篇榴皮字長好蕉花墨
未乾翁趣寄花月蕊佩招褊褊牡丹月艷艷楊柳春翩翩
青蛇出袖裏黃鶴來雲端貨墨武昌城淬劍匡廬山散錢

廣陵市巵酒羅浮巵昌老與谷客姓氏留人間我亦屢下
第十載羈長安亦復屢浮宦九度作宰官詩名滿湖海艷
跡羅嬋娟南行泛滄海東遊涉烏灤與翁蹤跡同惜未生
羽翰翁昔遇鍾離一枕貽邯鄲黃梁炊未熟富貴開心顏
大覺悟大夢皆作如是觀丹經授口訣龍虎配汞鉛十試
心志定一念功行完遊戲雲霄中採訪歷九天仙經三十
六珠玉垂飛鸞卽今敲爻歌貫澈仙根源生平讀仙書與
翁多因緣訪翁真聖觀小圃開秋蓮尋翁白駒亭琴心舞
胎仙招翁岳陽樓長筵橫危闌識翁仙棗亭沈湮餐金盤
今來託宇下與翁相周旋倘念淪謫人換骨煩金丹

贈茶農沈載瀾卽送歸西湖並寄山中故人

君昨山中來貽我山中茗清絕色香味佳處妙可領君言
春山茶第一數龍井黃封入春貢頭綱珍鳳餅此亦穀雨
前旗槍茁烟町殘月墮林梢春禽喚人醒綠鬢采芳晨朝
烟濕紅杏焙向百花間柴門午曦靜佳茗如佳人西子態
明靚惜無湖上泉銀床汲修綆聞君故鄉語因憶故鄉景
君家滿覺隴篁桂被千頃家家種茶田香出屋山頂我營
翠淥園蘿薜緣高嶺葛翁棲遁處林壑蔚仙境往日寶雲
茶品與香林等思覓佳種栽翠壁尙修整君今還山中江
風送歸艇我方汗漫游征帆指荆郢故人招我歸歸心頗
耿耿九溪響環珞石齒漱清冷寄語山中人歸計幸無梗
猿鶴好相待江路矧非永深秋茗花開相期踏松影玉鑪

三澗雪聯句搜石鼎

詠手種槐

紅牆幾樹槐是我手親栽細葉和烟暝繁花作雪開桓公
攀柳去召伯憇棠來此亦韓陵石清陰覆綠苔

題阮賜卿公子後圓圓曲

公子名福吾 師雲臺制府之仲子詩文善承家
學近自滇中奉 師命以所作後圓圓曲寄余蓋
親至城北商山寺蓮花池圓圓墓上並得諸滇中
耆老相傳文獻較之文士紀載信而有徵詳瞻風
華歸於雅正足與梅村作並傳因題十絕句寄之
一斛明珠走玉盤紅兒小字稱圓圓婁東樂府流傳久消

受人間二百年

全家白骨劫灰寒
僥倖蛾眉匹馬還
妬婦駸兒並珍惜
衝

冠未必爲紅顏

三桂妻張氏子應熊均未死則或與圓圓同爲劉宗敏所擄也

近華浦上玩芳春
安阜園中駐畫輪
彷彿漢宮遺事在
邢

夫人避尹夫人

三桂造亭於昆明海中名近華浦又爲園於西郊名安阜園園中有萬卷樓圓圓本

姓邢故府中稱邢夫人

三桂妻妬三桂畏之

將軍不解白頭吟
空說西天並命禽
早乞黃繩甘入道
蓮

臺甘讓兩觀音

三桂在滇有妾號八面觀音故宗伯南昌李明睿伎四面觀音給事高安所獻皆有

寵八面後歸蔡毓

榮四面後歸穆占

鶯嬌燕叱散如雲
綠水微波葬畫裙
畢竟家亡甘一死
美

人揮淚殉將軍

辛酉城破圓圓自沉於蓮花池

分明西子浣輕紗彷彿虞兮泣暮笳留得美人香草影妙

蓮紅放並頭花

蓮花池曾放並頭蓮

無復漁燈照夜臺棠梨春塚野花開勝他反覆降王長猶

賸埋香土一坏

梵香影裏話滄桑賸有團泥古佛旁玉艷花明應更好當

年惜未塑紅粧

三桂巨耳隆準無鬚鼻梁有傷痕嘗塑像載國寺松花色衣錦邊右手撫鄰左手執

卷

滄桑家國總堪悲碧海青天事有之留得商山鸞影在蠻

箋更乞寫仙詩

滇中有商山鸞影一卷載圓圓降鸞之詩

碧雞金馬與招魂洱月滇雲總夢痕一首新詩行萬里小

琅嬛勝舊梅村

輓改七薌

豈獨文章賦玉樓丹青亦遣迂雙虬填詞雋似張三影作
畫工於仇十洲海上碧雲涼入夜雲間黃月瘦於秋意中
多少嬋娟子更倩何人妙筆收

峨嵋白猿歌和楊子堅

丹徒笄侍御重光康熙初爲巡按甫按部卽除豪
猾猾故權相威絕有力其黨怨公恒欲報之公旋
引疾歸於五州山絕壁構層樓曰翠巖室蓄一白
猿以衛峨嵋產故人顧某所贈也未一載刺者三
至猿預知以警公得引避後遷三茆之鬱岡又遷
茆庄皆與猿俱刺者先後凡九至皆以猿得免年

八十一卒猿長嘯去不知所往子堅家丹徒嘗讀
書山中賦詩索和爲賦此篇

猿公家在峨嵋巔遠來江上知何年親從越女授劍術長
嘯嶺月棲林烟笄公鋤奸奸黨哭切齒腐心思食肉鵬鵠
三尺秋水瑩何處于闐圍頸玉深山結屋面鳥巢避仇獨
處青林梢赤白探九苦蹤跡上下蘿壁輕飛猱猿公俠骨
如崑崙矯若精手當橫門雲屯星黑江光昏危崖倒影終
宵蹲一劍飛來劃明月長嘯麈風動林樾石屏中斷石牀
裂一擊不中飛隼沒驚濤駭浪往復回精精去後空空來
猿公通臂入白刃莫邪飛血干將摧一遷鬱岡再遷荊莊
巖迴澗曲林花自香積憤不消九刺九拒青天無光空山

風雨悠悠疊嶂蒼蒼長林餐松飲雪與公一心公生猿守
公逝猿去青山萬疊猿歸何處公之勁節稱直臣公之高
致疑仙人猿非公徒卽公友歸去亂踏峨岷雲能識猿心
寫猿貌盈川詩筆嗟神妙我家憩館近青林深秋祇解聽
猿嘯

題江黃竹片石詩鈔

如此詩纔稱性靈珠啼玉怨寫芳馨舞來瘦鶴難爲態咽
到寒蟬不忍聽花月有情皆悱惻江湖無夢不飄零生平
我亦工愁者收拾離騷入畫屏

借菴自焦山過訪

永叔贈秘演坡公訪參寥古人友方外各以文字交巨公

澹蕩人禪味深六朝學詩勝學佛妙悟神理超所居漢隱
菴地近焦山椒老梅照海水香落春江潮紅樓與海月到
處攜詩瓢詩中華藏海莊列兼離騷仙壇夜玩月露下青
松梢願君攜鉢來趺坐聽秋濤

周南卿自秣陵來招同仙壇寓館小集卽送歸西泠
並寄仲雅

小集仙壇酒一樽天涯良會此停雲知從桃葉乘潮漲記
共梅花話夜分風雨評詩懷表聖江湖載酒感司勛南歸
寄語張三影手把芙蓉最憶君

南卿以松雪鷗波小像易余明閨秀畫扇冊紀之以
詩

伉儷才名一代尊蓮花庄畔舊清門
我家中婦工書翰也是鷗波幾葉孫

謂靜初

畫扇流傳五百家美人點筆便風華
明珠寶玉都無價各與芸香護碧紗

題張紫峴陶園詩集卽效其體

奔如黃河之九曲峻如華岳之三峯
健如盤空之雕鶚矯如出海之蛟龍
兀如懸厓之氷柱銛如出匣之霜鋒
蔚如朱陵之古柏奇如青岱之蒼松
紫峴先生繼騷雅凌轍曹劉廟屈賈
清響遙聞太華鐘高歌欲震昆陽瓦
甫也詩聖白也仙以君當之肯居下
惜不得手攀斗柄斟天漿又不
得足踏河源洗兵馬但令稚川老去
臥雲壑陶令歸來入

蓮社名場宦海知音寡天生此才胡爲者君家湘潭湘水
清古瑟夜靜聞湘靈七十二峯橫翠屏湘雲一抹湘山青
醉沅湘波弄明月天下名山一枝筆毘盧古洞留巾拂天
與詩人換仙骨詩懷曠逸不可當萬口爭誦毘陵黃以君
與之相頡頏風雲變色天低昂吾友石瓢子論詩如選將
目空一世氣千丈三復君詩低首讓我生出處頗似君騷
壇亦欲張吾軍惜以花月銷風雲君詩自合名香熏謫仙
去後已千載何處飄飄鸞鶴羣

題九水村遺詩

烟江月色昏翠竹舊柴門松海仍雲氣蘆河有夢痕幽蘭
寫高致苦茗奠詩魂太息中郎逝遺文付外孫

謂吳正子

寄白鷺洲道士朱嶽雲

白鷺洲邊黃鶴來，層樓高枕大江開。
偶招野客聽松去，閒與山僧採藥回。
二水浮花環畫檻，萬峯飛翠撲琴臺。
壁間親寫維摩影，我識襄陽曠代才。

壁間寫石瓢像

華陽仙觀羽流乞同人塑呂仙弟子，余拈得白牡丹。
因仿辛瑟嬋小像塑之，系之以詩。

我遊衆香國，美人如名花。洞庭杜蘭香，羅浮萼綠華。
我讀羣芳譜，名花如美人。海棠楊玉環，梅花江采蘋。
仙人多情應過我，惜玉憐香無不可。金丹一粒卽慈航，
開出青蓮花。幾朶一朶能行白牡丹，天香國色怯朝寒。
何年拂袖烟霄去，不跨青牛跨采鸞。愛花長願青春駐，
玉顏都買黃金鑄。

湖山春社舊花神彩雲重倩劉鑾望蕊佩雲裾颺紫瓊天
風吹下步虛聲絳紗亦有人如玉第一蛾眉辛憲英

送鄴道士歸句曲

三峯江上翠治者古茆君福地多靈跡仙壇話夜分聽松
雙髻雨采藥一肩雲送爾還山去華陽鸞鶴羣

綠端石雙魚硯歌

歙縣何氏兩女弟子

佩芬佩玉

從余學詩以硯爲

贄硯材旣佳製復精美作此報之

天都玉女雙琅玕繡襦甲帳嬌彩鸞紫雲小硯寫唐韻簪
花曉露浮香蘭髻年從宦端溪曲日日粧臺選蛾綠琉璃
匣啓玉盤盂銷得螺丸香一斛高捲青綾拜絳紗天然高

秀兩瓊花侍兒珍重金釵鬢墨暈流香散翠霞硯背雙魚
浮綠水文鱗識是傳書鯉仙躍龍門定化龍毫端應有風
雲起莫羨東吳大小喬如花龍女織冰綃雀屏妙選乘龍
婿各向秦臺奏鳳簫

竹琴歌

舊藏竹琴爲膠城女子所製長夏陳之臥榻若青
奴焉客中溽暑憶之而作

美人爲我製竹琴翦裁碧玉徽黃金琴心七絃身百衲中
有湘人所奏之古音水蠶宛轉雌皇語一樣宮商角徵羽
肌理細膩骨月勻摩挲劇於十五女綠筠滿地幽蘭香簾
波微動虛堂涼高山流水聲洋洋轉覺桐梓無清商碧紗

如烟共君坐水簾無塵擁君臥湘雨湘烟清夢破夢折湘
花吟楚些

自題春山採藥圖

花氣如烟媚雲壑飛英墮澗蘿陰薄畫師寫我如飛仙不
采華芝采靈藥一姝荷鋤雲滿筐一姝捧卷神揚揚雛髻
雙髻山花香薜荔衣與芙蓉裳白鹿相迎山下路記得當
年放君處疊嶂迴峰千萬樹如此春山合歸去

再題片石詩鈔

萬縷千絲織玉梭此生應悔賦情多是真絕代銷魂者其
奈終身落魄何二月繁花飄細雨一池春水皺微波不知
黃醉旗亭路可有雙鬟按拍歌

題姪人湘霞小停雲館詩鈔用題管姬湘玉小鷗波

館詩鈔韻

彩毫香染百花熏艷奪麻姑五色初十樣眉痕畫新月一
生心事託朝雲蘭舟共倚青油幕茂苑同尋紫玉墳幾幅
蠻箋幾行字避人辛苦寫宵分

歷歷明珠滿翠鈿鬱嬪羅郁總詩仙

有用安靈簡贈揚義韻夢綠華贈羊權韻

詩二首贈余

雙鬟畫壁殘樽外半臂留香短燭前春黛自來叅

慧業秋波臨去悟情禪絳紗都講人如玉開誦新詩日幾
篇

一榻琳琅四壁書門茶溫酒伴清娛雲山北郭新詩卷烟

月西冷舊夢圖名署無雙仙子閣

余為署仙處無雙閣

詩吟第二美

人湖

余西冷閣詠以美人湖屬管姬以小美人湖屬姬

墨香花氣纏綿甚除却鷗

波似爾無

分明鸚鵡喚琵琶別夢依依到謝家繡幔靜懸雙佩玉雕
闌深護一枝花芳心待織迴文錦密意如窺韻字紗風負
離愁償不盡

姬小印寄余書用以爲識

苦將才語寫風華

擬古艷歌行寄湘霞

贈君廣寒七寶之明月奉君沉香五色之名花飲君洞庭
百斛之美酒餐君句漏九轉之丹砂君心如金復如玉君
馥如蘭亦如菊枕中蝴蝶五百雙帳上鴛鴦三十幅在衣
願爲釵在裳願爲帶在唇願爲脂在眉願爲黛願作玳瑁
簪縮君嬌嬌之雲鬟願爲珊瑚鏡照君韶麗之朱顏願爲

七香車迎君金屋住願爲八月槎載君銀漢去君不見楊
義禮鬱嬪張碩迎蘭香采鸞嫁文簫雲英婚裴航流黃鬱
金少婦堂洞天福地玉女房烟霞環佩雲衣裳神仙眷屬
溫柔鄉比翼之鳥雙鳳皇萬花爭捧花中王與君千春樂
未央

耕畹樓女史畫竹歌

女史名之淑字蘭姬粵之南海人父祖香官淮南
運判儀徵諸生洪倬室也善畫蘭竹尤勝

男兒畫竹畫風雨女兒畫竹畫烟露鷗波去後六百年閨
閣何人擅毫素嶺南女子黃蘭姬雙管入手繞指柔畫蘭
幽靚畫梅瘦畫竹更得瀟湘秋我生愛畫兼愛竹讀書日

坐簣簞谷淋漓墨氣虛堂綠畫竹之人況如玉憶昔雙髻
垂髻初爲我作畫如作書簪花楷法變行草腕底意欲追
文吳而翁以汝爲吾女官閣年年拜翁姥玉樹堂前種百
竿爲汝來看張畫譜我歸吳門今五年汝家尙滯淮南烟
天寒翠袖無可倚牽蘿補屋風淒然夜翦殘燈墨橫掃曉
與諸雛換梨棗揚州城中十萬家誰知汝比鷗波好紙閣
蘆簾感隱淪枝枝爲我畫秋筠采鸞寫韻仙家事一樣寒
閨絕世人

那繹堂制府經理西域奉懷二首

復地擒渠後籌邊更有人老謀先馭吏長策在安民兵洗
河源雪烽銷瀚海塵滑臺威望重原合畫麒麟

紅關桃林塞青歸細柳營重開都護府更築受降城陰磧
增兵戍陽關劃地耕從今消戰伐方略最分明

上鄭夢白都轉乞於史公祠後附祀諸忠臣

乙酉之役與史公同難姓氏可攷者七十餘人乾隆中

賜謚者二十餘人余宰江都擬於史公祠後另建一祠附
祀之以奉諱去不果僅爲文以紀之今來邗上旣
以拙文奉正並爲此詩以告焉

一城碧血灑山河朱烏招魂喚奈何壯志共憑蘇武節丹
心空奮魯陽戈

國恩已入褒忠錄

姓氏詳見純廟欽定
勝朝殉節諸臣錄

野史如聞正氣

歌乞與叢祠營附祀梅花嶺畔好烟蘿

題徐芝仙

蘭

出塞集芝仙虞山人嘗從安郡王北征

世所傳馬後桃花馬前雪最爲名句不減龍標供奉
也許君伯堅以張子謙刻本見寄爲題一律

立馬桃花雪長吟塞外天檢書箋瀚海橐筆畫祁連白礪
秦時月青堆漢代烟琵琶亦陵姐哀響急銅弦

赤陵如琵琶歌亦集

作中

將歸吳門留別稼山

江上孤帆帶雨開臨歧鄭重勸深杯錢刀易短英雄氣花
月能消著作才夢落湘西懷雁侶羣空冀北望龍媒不須
更載虹橋酒烟柳池塘半綠苔

金沙舟中夜起玩月

四更林際月來向枕函親自起披帷看清輝似故人濕螢
明岸草吠蛤響河澹不寐應相憶家書報已頻

輓彭梅垞

憐君亦未過中年呵壁荒唐欲問天名士離騷李昌谷詞
場絕調柳屯田羅裙少婦顏務玉華髮衰親淚瀉錦嗟我
襟懷易振觸亂蟬聲裏一潛然梅垞撰彭梅菴香畹樓樂府並行於世方爲余撰碧
城仙夢尚未脫稿

荆溪舟中夜起

繁星壓篷天在水銀漢無聲臥水底扁舟夜過芙蓉湖
上水花三十里水蟲繁響夜鳥啼坐待林梢華月起

上陶雲汀中丞乞爲瞿忠宣公建祠

常熟會元坊屋是公祖文懿公故宅今爲官產其
旁耕石齋屋則公少日讀書地今爲錢氏屋公六
世孫書九出家招真治文昌宮爲道士奉公像祀
焉書九卒公遂無後今年春 中丞因事至常議
爲公請奉祀余謂宜立嗣且建祠庶奉祀有地主
祀有人也賦呈此詩以備採擇

故宅蒼涼異代悲桂林留守昔題詩鶴歸華表棲無樹鵲
語空山淚有碑

聖代褒忠青史少 先生高誼白雲知舊家譜牒分明在
耕石齋前好建祠

芳草堂感舊

風雨殘書盡幽居最感懷暗苔緣斷檻落葉聚空階蛛網
斜妨帽蝸涎濕膩鞋楞伽青一角玉樹惜長埋

潘功甫舍人既以良田二千五百畝請於尊甫芝軒
尚書爲義倉以備凶札規制甚備又講求前人區田
之法躬試行之畝得數倍收近更以古今藥性不同
醫多誤用精心試驗以正本草之失皆不朽盛事也
各賦一詩贈之

荒政久不修官吏動束手君家負郭田未及四千畝一旦

置義倉十已去八九

君家田三千五百畝歸公外僅餘質田千畝

尚書今大賢

胞與志康阜諸弟亦賢達樂善崇孝友在昔范文正祿大

分所有義莊膳同族家法至今守矧此逮隣里嫗媪與童
叟爲國養元氣熙皞遂仁壽爲家縣世澤科第衍組綬更
冀高義者效法徧林藪海宇長昇平風俗悉敦厚立功兼
立德此之謂不朽

年來東南病賦浮田價賤國本與民天積久生隱患惟君
多讀書深悉區田善法自伊尹勑書從汜勝見深耕兼易
耨因利實乘便攷古理最精通俗法宜變卽今齊女門穎
實被隄岸一幹數十穰穰皆葱蒨一穰數百粒粒粒皆
飽綻畝收三十鍾古語非俗諺鼓腹父老謳開顏婦子忭
定知來歲樂效法徧郊甸吾思學東坡買田就陽羨
后稷播百穀神農嘗百草君意乃兼之此願殊不小雷公

與歧伯遺書通竅省古方治今病往往誤分秒天道有盈
虛地氣有豐槁在藥不在方此理誰探討君悉訂証之一
一平心考古有今所無代之不嫌矯古無今所有用之不
嫌巧不在探深山亦非求海島良藥利於病洩勃皆異寶
方寸蘊慈祥宇宙臻熙皞勝鍊九還丹詩人詠難老

送董琴涵之官滇南並寄阮公子賜卿

金鰲玉蝀西華潭玉珂金鑰隨朝參一麾出守古六詔碧
鷄金馬滇雲南滇雲萬里羅甸國昔在李唐稱外域登高
作賦幾人來奇絕山川少顏色君之經濟襲黃儔君之文
字任沈流驅山走海筆更健天以好詩昌此州近華蒲上
卿雲駐況有名賢爲節度宜園雙鶴曉飛來琅嬛館在花

深處膝前公子瓊樹枝散珠橫錦工吟詩長風萬里送秋

雁梅村樂府箋烏絲

謂後圖

彼中文獻何人記金華著錄

珍嶺繫

演繫師荔扉著

篋裏松壺畫本多畫中徧寫嶺山翠

松壺在嶺

最

久雪月風花皆異常詩境奇麗詩懷蒼黑龍潭前古梅樹

花開猶作唐朝香吟成好寄篝燈讀莫信此邦多寶玉我

在巫雲湘雨間萬樹垂楊漢江綠

和作

吳縣董國華 琴涵

故人送我桃花潭踏歌聲與啼鶯參偶然聚散且感嘆

何況遠別天之南天南迢遞隔鄉國絕徼烏蒙接荒域

盛朝威德澤華風攸水矜山都改色勸濟慚非渤海儔特

除鄭重異遷流孟嘉敢便輕蠻府盛覽曾聞出此州江

風渺渺征帆駐鐵索繩橋一鞭度雲樹依微望漢陽知
君近日吟詩處吳下相逢唱柳枝斑駁惆悵贈新詩卅
年湖海餘豪氣江左清聲著蘭絲名場少作勞君記芬
華於世何關繫願從治譜乞心傳厭逐兒曹競茗翠人
生離合亦尋常所惜鬚眉漸老蒼買山早訂歸田約莫
負梅花萬樹香平生迂尚惟耕讀冷笑庸庸誇寶玉他
時冰雪証初盟同泛湘波照寒綠

華陽新築歌贈韓桂舫尙書

華陽橋邊秋樹疎華陽仙人餘舊廬昔者逋翁今桂叟小
園猶號華陽居華陽之居何所有梧竹桂蘭環左右一門
風雅播笙詩江左聲華推孝友月華洞庭水蘭氣瀟湘烟

墨卿 子墨客卿舊題句岳陽風度如神仙鶴瘦帶道容梅

老人詩格秋藻 武林太常書法奇十字新題小寒碧聽鐘

我昔登高樓杖履屢侍耆英游惜無奇氣似太白未得一

識韓荆州十年江左頻相見歸航昨歲攜仙眷綠野池臺

得句頻平泉草木留題徧畫橋碧水抱城回養志堂兼九

福開還讀齋詩應許讀畫中來訪讀書堆

題家靈簫女士筠湘小影

畫裏分明識采鸞繡襦甲帳不知寒小軒盡日書唐韻自

有文簫倚檻看

十二闌干舊碧城蘭芳菊秀共宗盟謂友菊妙雲兩女弟畫林久已

芳名在更乞新詩譜正聲女士善畫余畫林新詠載之彌都轉選正聲集以閨閣一門屬

余採

蜀

省識前身是玉真九華仙館靜無塵吹笙我是陶貞白閒

聽松風記鬱嬪

九華玉真安靈篇金臺李夫人少女也字鬱嬪見真誥

秋雁詩成字字妍瀟湘雲影澹遙天生香妙墨題詩處回

首春明二十年

長洲女士李晨蘭秋雁詩極工余曾刻秋雁詩人小印贈之女士詩足媲美

翠苔香軟綠陰疎小坐花間當讀書應是停琴佇涼月待

他花影夜涼初

卷中作橫琴待月小影

玉情瑤怨托清商流水高山韻自長莫道春風吹鬢影恐

他料峭到琴囊

潘榕皋題卷首日春風鬢影

三松老仙重譙瓊林歌贈潘榕皋

三松老人人中仙清癯如鶴凌秋烟一杯春酒萬花裏高

讌重憶乾隆年鯉庭鸞掖科名重大宋文章偕小宋六十年來及第花枝枝都向庭階種泮池春藻鹿茸秋省識宮袍幾度游又見黃金開蕊榜天街往事話瀛洲曲江筵上人爭羨

天恩重許瓊林讌洛社耆英更幾人分明海內靈光殿聖武天威正止戈榮光佳氣出鬢河壽星光彩聯奎宿同聽霓裳詠大羅花橋水閣深雲樹仙翁文讌譚詩處坐右留箴衛武公膝前撰杖王文度更喜孫枝迥露香凌雲仙桂一齊芳瓊林盡是君家樹棲遍丹山小鳳凰

繡山歸自巴東聽話沱上風景有懷雲莊柏泉則園君自巴東至巴東定若何鶯聲三月少猿嘯四山多客枕

喧溪壑隣檣聚薜蘿久勞公等住極目望嵯峨

吐綬鳥繡山自巴東攜歸毛羽摧抑飲啄無聊感而

賦之

苦未樊籠謝無端又見君何勞尋錦帶多事畫羅裙夢斷
巴江雨魂銷楚峽雲他年故山去鸞鶴自爲羣

梁茝林方伯爲漢梁鴻建祠於吳門賦此紀事

梁溪表高躅皋橋誌遺蹤漢代有賢哲杳杳孤飛鴻避讒
適此州晦跡聊賃春佳偶孟德曜賢主皋伯通志潔而行
芳尚友師黃農所惜缺祠祀無由致虔恭 方伯今大賢
德令名亦崇隱顯縱殊致譜系同扶風滄浪美林壑一樓
深閨宮青林松栢茂白水蘋蘩豐高士表皇甫逸民紀蔚

宗案頭兩佳傳夜讀秋燈紅更當訪遺墓一薦幽蘭叢

題毛海客

大瀛

戲鷗居詩集並其夫人吳絳衣

若雲

香雪居詩卽贈令孫申甫茂才

嶽生

當年簡州牧血戰殉疆場一卷遺詩在悲歌弔國殤行間

邊月苦紙上陣雲涼絕似娥隅集招魂下大荒

娥隅集趙璞函作璞

函殉金川之難故以相比

閨道閨中秀仙人字綵鸞絳衣留篆印翠袖領詩壇望信

長安遠持家獨道難梅花三十樹香雪共清寒

賴有文孫在遺編未盡刪大名垂海上高節重人間家學

追顏謝雄文嬌馬班如何識丁字兩石遜弓彎

申甫側蔭雲騎尉不

欲墮家學乃就儒業詩文爲今大家

重作楚游留別十六首

小人有母敢輕離重上謔臺勢不支事等圍棋理殘局情

同負米走天涯白華舊譜笙詩在黃葉歸程畫舫知珍重

高堂慎眠食莫教更颺鵲邊絲

太夫人就養瀨陽將歸吳門方遣安臚相迎

各有因緣莫羨人卑官猶得奉偏親勤原可補何妨拙清

有人知莫厭貧松蔭翠宜哦永日梅花香總待陽春庭階

况有桑連理努力循聲步後塵

謙谷弟官瀨陽丞

花海仙人有舊盟玉杯香細酒鱗生也知泉石堪偕隱其

奈江湖又遠征檢點衣裳涼夜永躊躇書劍客裝輕錦禽

臥薜魚穿藻都是尊前惜別情

丙子羽卿病中爲余檢點行裝

廿年中婦解持家知爾終朝坐碧紗慈母羞蘭勞侍膳山

妻行藥替栽花鏡邊握算眉痕斂燈下揮毫墨滿斜思買

黃金鑄顏色歸來髣髴看盤鴉

姬人靜初爲余持家得免內顧

離鸞猶幸有孤雛珍重秋來此病軀欲解安心宜學佛再

能養氣卽通儒文堪翼世天應佑詩已成家我所無晝荻

九熊賢母事膝前好念慈孫愚

子婦允莊抱病著書

斜日迴廊藥鼎烟都因母病侍經年鵲鴿聲苦頻揮淚棠

隸花嬌憶比肩家事互憐明鏡裏天涯同話夜燈前歸程

已與春江約記取輕帆下水船

大女夢仙次女茗仙同以侍奉病母全居

桃鬟嫋嫋柳腰柔小字真應喚解愁入畫眉長長攬鏡空

房膽怯晚登樓迢迢有夢通千里脉脉無言過一秋天氣

乍涼宵正永此行深悔不同舟

姬人雲妮

尹邢避面竟何如銀漢風濤信有諸雙槩不隨桃葉渡重
簾仍傍藕花居鬟痕隱隱雲生後眉樣明明月上初終擬
一塵營葛陂美人湖上話沈魚

毋妨青李寫來禽也許論交筮盍簪奉母莫忘依愛日讀
書須要惜分陰功名不遠惟求已建樹無難在問心如此
年華須努力秋霜我已髣毛侵

從子
奉慈

風雨鷄鳴洵有情連宵燈火話深更文章意氣歸師弟骨
肉艱難仗友生公等原無乞米帖寒家尙有讀書楹童孫
孤露癡如犢應念交情到死生

子雨
兩君
薌香

司空家有女鸞臺穎士諸奴况愛才厨下夜深防宿火門
前侵曉掃殘苔休將白日消棋局莫到黃昏戀酒杯爾盡

辛勞吾意慰梅花開日雁書迴

慈雲及嘯
麓諸人

情禪久已懺維摩幾輩嬋娟春夢婆畫舫錄中新詠少粧
樓記裏舊人多笙寒水皺都如此釧動花飛儘奈何厭說
綺羅謝絲竹避他十八舞天魔

七子詩壇幾輩來烏衣王謝總英才畧同任昉蘭臺聚敢
比扶風絳帳開家世淵源溯桐柏文章標格接蓬萊蕊珠
宮闕黃金榜好策天人著玉杯

吳門七子今已
五輩方應秋賦

絳紗弟子有金釵絕勝弦歌序鐵崖桃李清陰圍院落芝
蘭香氣滿庭階德容功備斯爲美書畫詩兼信是佳更喜
鬱嬪新捧贊九華仙館接高齋

諸女弟子結
語謂靈簫

三吳疑有德星躔杖履逍遙幾輩賢通德門前無俗駕耆

英會有羣仙黃扉客至都忘貴絳縣人多不記年有約

廻帆容入社開元閒聽話鈞天

榕皋琢堂桂船諸君皆吳下靈光也張君仲雅亦將

至吳

廿年宦跡遍江東節鉞森嚴氣象同拭目偶然逢長者賞

音難得遇羣公感深蘆雪菰烟外心在光風霽月中多愁

故人還薦禰五噫吾欲賦梁鴻

江南大吏皆賢今爲極盛

喬村古柏行和楊子堅

五州山半喬公宅五州山下喬公柏虬枝裂土出復入萬
葉香霏漢雲碧喬公二女雙芙蓉伯符公瑾皆英雄中原
旗鼓兩年少金戈霸業開江東突兀蛟螭起鸞鳳想見喬
公手親種綠窓風細佩環閒讀罷兵書碧陰重枯根抱石

絕壁牢橫柯拂袖危崖高老臣忝作昔梁棟孫枝俯視孫
劉曹樹下寒泉舊粧井二女娉婷曾照影天風吹月海上
來墮空子響銀床冷君不見岱廟古柏翠壓垣蜀祠老柏
青塞門空山老壽餘靈樞期君同訪喬公村

江上與子堅別

江水碧悠悠逢君北固樓西風一尊酒攜手話清秋我欲
乘潮去重爲漢上游匡廬題壁處遲爾放扁舟

京口登舟書寄吳門

無那秋風又送行輕帆催起棹歌聲天圍遠海無窮碧雲
入長江澈底清虹影淡隨殘照落月華涼共暮潮生青山
萬疊濃如畫惆悵高樓倚晚晴

江行卽事

朝發浮玉渡晚過棲霞山輕烟帶林杪影落江鏡閒山中
舊行跡澗石苔花斑不見采藥人日暮歸鴉還弦月破雲
出皎皎如半環來日鳩茲道還應憶此間
一夜風水聲曉過三山路不見三山人但見三山樹殘星
猶在天宿雲渺何處朝霞紅欲來江空洗秋曙點點破烟
飛誰家水田鷺風利不得泊笑謝三山去

采石謫仙樓歌

天上明星輝太白照見一樓橫采石登樓再拜謫仙人嘯
傲江天同一碧醉來日傍壚頭眠謫仙當日稱酒仙碧紗
如烟隔春曉酒仙何似詩仙好貴妃含笑歌清平仙才如

爾真有名蛾眉謠詠嗟雲雨喚作謫仙仙亦苦豈知非酒
非詩人離騷心事同靈均野鹿嚼花紅泣露只合飄然拂
衣去澄江蕩空碧倒影紅闌干一歌遠別離再歌蜀道難
遙勸仙人一杯酒江流浩浩生迴瀾花月烟霞好詩格千
二百年無此客畢竟青天樂事多莫教更向人間謫

靈墟山訪丁令威煉丹處山在當塗縣南令威遶東
人爲涇縣令樂茲山之幽秀煉丹於此

烟水招昌老羅浮訪稚川古來賢收令幾輩作神仙辛苦
燒丹地飛翔化鶴年玉顏長駐世何必定昇天

江上望蛾眉山書寄

粧臺日日玩蛾眉又掛輕帆遠別離惆悵楚天明鏡裏蓬

窻遙對碧參差

蕪湖夜泊懷王子卿

金龜同貰酒以我比青蓮今夕鳩茲郭重停采石船波平
江路永夜靜月華鮮羨爾躬耕好城南數頃田

江上詠蘆寄杭州故人

青蘆一千里楚尾接吳頭翠色漁舟隱潮聲客枕秋地無
叢楚雜人有束薪謀誰解錢江岸當春種滿洲

他處余思於錢塘
江岸種蘆代之

杭州地不
產蘆仰給

杭州田高易旱以區田法寄老農侑之以詩

地高因易旱不雨卽生愁新得區田法能增數倍收深耕
原古制明效見他州試仿成規種歸帆驗早秋

秋江夜泊

迢迢珠斗帶江城
酌酒蓬窗醉夜晴
林外遠山微有影
月中流水靜無聲
征人霜鬢天涯感
少婦雲鬟故國情
回首家山何處是
一灣銀漢最分明

江上玩月有懷

江水夜生瀾
江波浣玉盤
彩雲何縹緲
銀漢共清寒
翠袖中宵濕
羅衣幾處單
小庭閒徙倚
花影滿闌干

擬樂府孺子妾寄雲姬

春來花解語
情至玉能言
媚寢風情怯
柔鄉氣息溫
含羞掩朝鏡
歛笑避前軒
憶遠金屏裏
應知有淚痕

江上青山篇

江上青山不知數，遠山微雲近山樹。江南江北千萬山，半是征人舊行路。行行重行行，千山萬山皆有名。山中有泉清可汲，山下有田瘠可耕。若有人兮山之阿，被薜荔兮帶女蘿。朝采華芝，暮靈藥，神仙隱逸山中多。山外青山濃似黛，故鄉更在青山外。山中故人遲我歸，何事天涯遠行邁。山鳥呼名水鳥飛，白雲深處有柴扉。扁舟祇與閒鷗約，日日湖邊玩翠微。

翠螺山玩月放歌

翠螺一轉山一重，山花墮澗飄冷紅。暮烟四起棲鳥散，鳥巢隱約山巔松。亂松圍山山吐月月華照，松如照雪山眠水底松倒垂一抹冷雲畫秋碧。蛾眉亭上秋陰寒，松影已

過紅闌干下有流丹之古水上有飛翠之層巒月氣如烟
亦如水荇藻滿階收不起簫聲清響鶴夢驚時有山風墮
松子然犀之客真英雄騎鯨亦是詩中龍古人已去明月
在江水滔滔流向東

讀太白詩書後

俯視唐朝三百年詩壇誰似此君賢不知天上因何謫便
向人間亦是仙得句每從明月下揮毫常在酒尊前餐霞
高臥匡廬頂一樣聲名萬古傳

一曲清平冠古今開元天子是知音禮同園綺恩何重任

以絲綸眷更深

太白供奉翰林代
草王言專掌密命

疎縱惜非王佐略

畢士安以

王維目之見東坡
撰太白碑陰記

流離終負故人心

白爲吳筠所薦故有
別內赴徵詩至長安

後賀知章玉真公主薦之蛾眉自古多遭忌猶幸還山有賜金

偶然豪飲亦無妨沉醉如君惜太狂中禁豈容呵力士力士

脫靴事因沉醉其過在自力士之譴實由自取早年猶幸救汾陽脫郭子儀在開元二十三年自

客并州是年烟霞有夢尋天姥風雨無情謫夜郎祇合江

湖投老去敬亭山色晚蒼蒼

詩聖詩仙舊有名論詩畢竟要持平解將變雅離騷意寫此神仙隱逸情比興儘多懷古作高寒如聽步虛聲少陵野老甘心讓耿耿長庚徹夜明

江上觀雨

長風驅雲若奔馬暝色西來暗平野滿耳都作波濤聲不許江流向東瀉白雲一重黑一重風力壓雲雲壓篷帆檣

高下盡雲氣不知何處藏
神龍銀竹森森雨脚直無數歸
鴉矯雙翼扁舟和雨泊江頭蓬窓把酒看山色

烏沙夾

黃葉下江流青山上舵樓遠林初過雁近渚欲盟鷗帆緩
風留客雲輕水變秋窮途小兒女哀怨感隣舟

落日

落日在漁家澄波漾晚霞暮烟吳岫遠秋樹楚江斜瑟瑟
初飛雁蕭蕭漸返鴉林梢上明月一白徧蘆花

秋江夜靜明月滿江把酒獨酌聞鄰舟簫聲有感而
作

楚尾吳頭兩寂寥碧天星斗夜迢迢白雲映水下秋露明

月滿江生夜潮盡舫誰歌將進酒青山人遠罷吹簫錦書
應遣雙魚寄夢繞紅闌四百橋

長相思四首

長相思在鷗波白雲如花飄女蘿花前酌我金叵羅何以
報之五斛螺團圞七寶鑄明月歸來重與畫雙蛾

長相思在停雲陽臺縹緲雲中君篋中貽我冰雪文何以
報之百和熏卅六鴛鴦萬胡蝶歸來重與理羅裙

長相思在青溪白水草深盤石低裁書贈我金留犁何以
報之紫鸞篋明珠步障琥珀枕歸來重聽汝南鷄

長相思歌薛曲韶顏如花復如玉香囊佩我紅蝙蝠何以
報之金鸞鸞歸來紅豆換青棠喜字更書三十六

涼風淅至秋蘆始花因憶西溪秋雪之勝感而賦之
彌望連江渚叢蘆漸作花涼烟散秋雪暮靄映晴霞我有
漁莊在西溪第幾家故人相問訊何日泛歸槎

秋夜江行月明如晝蓬窗不寐賦此寄懷

江光渺渺暮天碧江流浩浩夜雲白江雲收盡江月明疑
是山陰夜中雪明月中天夜未央江山如畫鬱蒼蒼銀河
暖空珠斗直月華倒影江波長玉階白露侵羅襪江南何
處無明月扁舟人在月中眠應有還鄉夢飛越

銅陵道中

江水味銅陵青山暗幾層秋聲荒戍角江影夜船燈軟玉
蒸香爇輕紅煮瘦菱一尊消永夕惆悵月華澄

江舫玩月書寄吳門

銀漢無聲轉碧天
金風蕭瑟感流年
殘星一籥客欹枕
明月半帆秋放船
露氣夜深全作雨
江光涼極不生烟
遙知羅袖高樓上
花影橫窗也未眠

梅根冶

問訊梅根冶
梅根定有無
少年求寶劍
仙客問丹爐
綠萼名猶艷
青蓮酒任沽
何如桃葉渡
小妹鞦紅蕖

舟中獨臥玩巫山枕障

巫山十二峯
峯峯各有態
嬋娟第一美人峯
秀出羣峰凝翠黛
美人之峯如美人
巫山還有陽臺雲
朝爲行雲暮行雨
巫山美人古神女
楚王夢寐何足憑
宋玉詞賦尤荒淫

文人好色古爲累幾輩輕薄通琴心棲鳳凰亦棲聚鶴鶴
長聚下有激石之迴波上有懸崖之古樹巫山字如巫巴
江亦如巴陽雲臺前雲作霞細腰宮裏啼寒鴉荆門夜靜
上明月楚天清遠橫章華金尊笑學青蓮飲畫舫凝香如
燕寢倦扶殘醉夢遊仙綵雲飛入珊瑚枕

細腰宮

山堂肆考曰古楚宮在夔州府巫山楚襄王所遊
地宋黃庭堅有石刻所謂細腰宮是也因玩巫山
枕障憶而賦之

何事君王愛細腰楚宮遺趾舊山椒也知翹鳳新粧稱省
識驚鴻舞態嬌東處薰羅垂素練緩來香袂彈紅綃陽臺

自古銷魂地添種春風柳萬條

樅陽聽雨

綠樹暗漁灣帆行濕翠間微聞打窻雨不見隔江山坐浪
白鷗穩臥陂黃犢閒擁衾續殘夢那不憶雲鬟

池州江上望九華懷太白

詩人胸次惟烟霞前生亦是青蓮花池口千重萬重樹醉
呼九子成九華大峯若花萼小峰若花蕊其餘六七峰一
一芙蓉出秋水九華山中蓮太白詩中之神仙題詩贈山
靈吟聲清遠聞青天山名要詩人定太白名之後人聽
我向池陽江上來遠見蓮花賦詩贈一朵蓮花一首詩筆
端飛舞翠參差峯巔明月來相照更酌先生酒一卮

雨中望龍眠山雲氣

疊嶂橫江紫翠分
畫圖彷彿李將軍
一帆細雨斜陽裏
飽看龍山五色雲

四更過小孤山

長風吹送彩雲間
滿耳驚濤不暫閒
高臥紅船如跨鶴
四更飛過小孤山

彭澤懷陶淵明

當年彭澤令歸去
臥柴桑車馬勞應息
琴書味較長桃花
忘魏晉楊柳傲羲皇
我欲營三徑田園苦就荒

官亭湖望廬岳呈匡君

郡國志云周武王時匡俗字子孝弟兄七人皆有

道術結廬於此仙去空廬尙存故曰廬山

匡君七兄弟一一是神仙次第登真去空廬尙儼然江山
留楚地歲月溯周年柱史應相識遺書尙幾篇

青山浮翠黛倒影入平湖九曲屏風疊清秋浸玉壺瀑痕
明石鏡峰影濕香爐欲訪騰空去仙壇禮五銖

中秋江上玩月書寄家人

生平中秋月半向客中見塞北風雲嶺江南山水縣今夕
是何夕暮雲靄江面明月海上來霞綺澄江練因憶吳王
城月色定葱蒨慈親昨已歸北堂晚開讌老妻潔芳樽中
婦羞蘭能娟娟孺子妾解折秋英薦對月定思我花影滿
深院豈知我憶家望雲深眷戀月華靜窺枕月露寒注硯

題詩遠寄將極目南飛雁

仙令祠

唐吕公宰德化後成仙九江舊有仙令祠今無其
趾方茶山太守官九江日建祠烟水亭上

昔聞李伯玉晚歲始登仙山有尋真地人知作令年甘棠

湖自好苦竹道親傳便欲從君去匡廬在眼前藏典及回

鼓公本唐宗室李瓊字伯玉配金氏生四子甘美豐克少
有術者相其遇仙得仙五十登第官德化令遭國難棄子
攜妻時惟兩口更姓曰吕因在山下易名曰巖時處洞中
因字曰洞賓妻亡扁其號曰純陽子初入廬山從苦竹先
生修高元上聖之法後遊終南遇鍾離子授金斗太乙之訣道以大成

烟水亭是吕仙宰德化日招讌羣仙處和子堅

亭在九江郡城外甘棠湖中正對廬山四面環水

相傳呂仙宰德化日招飲仙侶於此所吹鐵篴尙
存菴僧雪梅善畫石交善詩子堅有詩題壁因和
之

仙人亦爲官旌陽勾瀾史所傳仙人亦結客八公四皓皆
前賢君不見呂公昔日宰德化仙者爲官政清暇屏風倒
影青黛光烟水空明好臺榭午夜月華開碧天一枝鐵笛
橫秋烟紛紛鸞鶴下霄漢虹裳羽帔來羣仙仙家有師亦
有友仙人愛詩亦愛酒洞庭百斛梨花春笑酌天漿斟北
斗彼仙客者知何人我疑五老偕匡君不然鍾離雲房費
文僊否則顏寓李甲同蕭耘金丹要旨談雲篆滄海蓬萊
話清宴四海才人一座收亦如吾輩開文譙潑墨淋漓下

幾籤楊羲才筆最穠纖蓮花博士題詩處更憶前生白玉

蟾亭有蘭雪詩蘭雪生平以白玉蟾自命故云

烟水亭後壁畫雙梅樹歌

署名海陽張焜

一株笑兀榦屈鐵橫出虬枝挂寒月一株天矯根盤石細
點繁英散晴雪婆娑花影招花魂小立疑入羅浮村西溪
迴首二十載思泛花海尋花源鼻香春霽苔紋亂畫梅真
作梅花看僧雖急掃網絲塵夜深應有山禽喚

鹿道人歌

廬山僧蓄一鹿甚馴能下山市物人不敢欺呼之

曰鹿道人

鹿道人居廬山爾生豈自漢元狩興唐開元或是謫仙人

放汝青崖間汝居廬山今幾年見人幾輩成神仙曾否追
逐陶公與謝客來觀遠公蓮社之白蓮道人與僧舊相識
入市市人欺不得白猿黃鶴共蕭閒看老匡君好山色道
人還山山益深山花滿地眠長林他年來聽香爐瀑沓嶂
廻崖何處尋

雨中不得登廬山望香爐峯雲氣

屏風翠疊疊香爐峯迢迢峰巔一縷雲宛宛凌層霄須臾
風引之鋪絮橫山椒翠微色漸遠五老不可招還作山中
雨萬壑噴林梢應知玉淵潭瀑勢如奔濤觀瀑彼何人將
毋古盧敖玉爐三澗雪長吟和笙璫何日彩雲裏來作廬
山謠

思遊廬山不得適行篋中有張夕菴爲余寫太白廬

山觀瀑圖卽用太白集中望廬山瀑布詩韻題之

生平慕匡君夢繞天池水
夢山逾十載違山尙百里
展卷空翠來紙上峯巒起
五老態偃蹇隱隱蒼烟裏
飛瀑竒且雄疑是匡君功
影隔白雲斷響落青天空
迴飈飛雨射銀河挂絕壁
屏風幾點苔香爐一拳石
而我愛名山身閑心未閑
多君贈墨妙使我開心顏
會訪東林寺長吟雲水間

寄題太白書堂

碧水丹崖甫踐盟樓船何事又南征
從來鳳逸龍蟠士偏有猿驚鶴怨情
高躅難追蕭穎士盛名應悞李臺卿
舊山亦有書堂在雲臥相期過此生

永王欲見穎士穎士却之臺卿太白從弟方佐永王

白之被齋職
此之由故云

書寄廬山隱士

欲訪匡君去神風引棹迴
遠公餘講席謝客賸經臺
屏翠重重展爐香冉冉來
水簾寒不捲石鏡夜還開
溪上陶公屐花前太白杯
嵐光隱青黛湖影浸寒苔
南斗天垂近東林雨勢催
確仍雲母搗樹更石楠栽
學道前生事求仙幾輩才
言尋三玉女縹緲隔蓬萊

三玉女謂李騰空蔡尋真及太白妻也

讀蘭雪廬山詩有懷

楚歌鳳兮鳳李詩鸞與鸞

太白詩鸞與鸞同枝

落花三度別明月幾

回看俊侶黃仙鶴佳人白牡丹
長吟題壁句墨瀟瀟滿瑤壇

琵琶亭題壁

三年翠黛春長好五宿澄波月最華看慣霓裳羽衣舞却
來江上聽琵琶

雪堂客散暮雲閒珠海魂歸鶴未還從古才人多涕淚青

衫何止白香山

亭壁有宋芷灣周芸皋詩芷灣歸道山芸皋奉諱去故云

淞浦聽雨

淅淅復瀟瀟蘆花起夜潮雲山廬岳近烟水楚江遙酒爲
消愁貰燈緣得句挑琵琶亭子在惆悵此停橈

潯陽曉發

蘆花風急落潮還隱隱鐘聲積翠閒侵曉一帆江上去臥
看殘月下廬山

龍坪寫望懷子堅

挂帆將百里曉翠一江分薄霧不成雨遠山微有雲天邊

黃鶴影水上白鷗羣松葉歸樵路詩情最憶君子堅龍坪寫望詩兩

髯菜花粧浣女一肩松葉下山樵

武穴道中羣山蒼翠蓬窓觀覽詩以寫懷

浪花噴急響輕雷估客帆檣葉葉開篷背片雲殘雨過船

頭飛翠萬峯來青蓮跌宕新詩卷黃鶴徘徊舊酒杯何日

乘風竟歸去槓吹鐵篷過蓬萊孤山回峯皆有小蓬萊

田家鎖口號

梨花春酒木蘭艤早雁聲中晚渡江三面青山半帆雨一

天飛翠濕篷窓

雨山

晴山半生雲雨山全作烟烟重山欲無浩渺空長川我舟
從東來雲濕孤帆懸如入米家畫暮靄橫蒼然山上亦有
樹山中亦有田睠彼山中人雲臥今幾年不爲出山雲縹
緲青松巔不作出山泉澄徹空潭圓豈知遠行客雨中猶
放船

芙蓉

芙蓉秋水上把酒正思君荒戍哀笳動隣舟遠遂聞停橈
待林月燒燭照江雲別有躊躇意長吟到夜分

西塞山懷元真子

江上青山隱翠微桃花紅點綠蓑衣斜風細雨依稀似不
見當年白鷺飛

秋雪蕭蕭漸作花西溪我亦舊漁家
蘇蘭薪桂尋常事誰煮樵青竹裏茶

過道士泐寄山中百歲僧

西塞俯澄江一峯道士泐山中小精舍
蘿壁抱山綠白雲繚繞之磬聲出深竹
中有百歲僧應是古尊宿蒲團閱人世
寒巖倚枯木我欲艤舟訪悵此風帆速
轉舵指陰洞倘是仙人屋題詩寄老僧
或有青猿讀

樊口望武昌西山懷東坡卽用坡韻

梨花釀酒開春醅此花當日知誰栽
醉來便作故山夢漁莊萬樹西溪梅
西山飛翠落樊口澄波倒影青崔嵬
東坡先生舊遊處烟霞縹緲森樓臺
長江東下八千里洗滌楚

何無纖埃遠揖匡廬近西塞奔峭出沒蒼雲堆雪堂開譙
召賓客江山風月環尊鼎清遊赤壁兩篇賦高文留重青
山隈茲山一上十五里處處屐齒深莓苔金鑿椽燭一回
首瓊樓玉宇浮雲開子由同調叔黨慧酒兵能使愁城摧
我從江上挂帆過船頭濁浪鳴春雷猿驚鶴怨定何事他
年五柳真歸來南飛玉籀奏祠下懷古一寫中心哀

赤壁

鼎足三分勢未成孫曹當日此鏖兵論功第一黃公覆却
使周郎受重名

賦心妙悟入莊周元鶴飛來一籀秋從古佳文多適興不
妨赤壁在黃州

羅浮花農歌爲張紫峴作

紫峴湘潭人官峽江令乙酉秋宿玉笥山中夢至
一高峰下梅花環繞小橋流水茆屋疎籬殊非凡
境有驅犢老翁謂之曰此羅浮玉女峯下花農居
也覺而以羅浮花農自署作爲此歌因和一篇

明月一峰雪一峰瀑水一重香一重芒鞋踏雲如踏空前
生應是花之農巖廻澗曲烟深處白徧梅花不知路茆屋
疎籬未有人云待花農此間住花間老翁驅犢回似曾相
識心徘徊穿林拂水萬胡蝶如向仙山迎客來識字耕田
亦大好拂袖烟霞胡不早梅花驛吏爾何爲君有梅花驛
吏行看子
歸遲恐被山靈惱花首臺朱明洞花露滿天春一甕澗雪

林州入三弄玉女牛牕雙綠鬟

紫峴羅浮句

不招翠羽招花鳳

願君遲醒羅浮夢

懷松壺子

聞君在嵩嶽散髮臥雲嵐一放清漳櫂重停洛水驂丹青
盡禪寺金石隱仙巷好念還山約梅花共一龕

南樓

麗譙星轉夜烏啼歎詠蕭閒靖鼓鼙依舊江山好風月更
無人似庾征西

梅子山懷姜白石

梅子山前路餘香戀落花翠禽啼曉雨人說隱君家我是
西泠客詩吟萼綠華馬蹏更西去橫簫起栖鴉

鸚鵡洲訪玉簫墓

韋臬遊江夏止於姜使君之館姜氏孺子曰荆寶
兄呼於臬有小青衣名曰玉簫常令侍臬後臬叔
致書陳常侍遣臬歸覲荆寶命玉簫從臬歸臬以
贖覲不敢偕期以七年留玉指環并詩一章五年
不至玉簫禱於鸚鵡洲又二年玉簫歎曰是不來
矣遂絕食而殞姜氏憫之以玉指環着於中指殯
焉後臬鎮蜀荆寶已官青城令以謾熱解舍繫獄
見臬呼之臬爲雪寃因言玉簫並吟玉環詩曰黃
鶴銜來已數春別時留解贈佳人長吟不見魚書
至爲遣相思夢入秦臬聞之悽愴廣脩經像以報

有祖山人者有少君之術皋齋戒夜見玉簫曰承
寫經供佛之力當脫生十三年後當爲侍妾以謝
後東川盧八座送一歌姬未當破瓜之年亦以玉
簫爲號觀之真姜氏玉簫也中指有玉環隱出不
異留別之玉環事載雲溪友議崇禎己卯鸚鵡洲
崩出韋皋妾墓誌見顧景星白茆堂集道光戊子
余重遊漢上偕葉甥若生沈君韻林戴君月湖范
君小舫王生素香訪其遺趾營修復焉

鸚鵡洲邊水拍天鴛鴦枕畔草如烟偶過荆寶埋香地閒
話韋皋惜玉年文字能銷前世恨美人真有再生緣叢殘
小說風華甚更製烏絲寫一篇

幾番修徧美人墳

余重修勝玉紫玉墓於吳門修張麗華孔貴嬪墓於白下修袁寶兒墓於揚州

修菊香小青聖友墓於西湖修柳如是吳水仙墓於虞山修卞玉京墓於梁溪

又向江皋弔夕隲

錦水文魚新翠袖野花芳蛻舊羅裙意中玉女深宵月夢

裏瑤姬日暮雲未了姻緣天許續勝他春恨杜司勳

擬營香塚立瓊碑黃絹重書幼婦詞白石三生春寂寂青

陵一角雨絲絲淚痕斑竹湘中樹薄命桃花漢上祠儘有

神弦簫鼓地月湖烟柳寫參差

江上觀穫計吳中區田亦當告成書寄功甫乞米

黃雲望不極農家報秋成江上觀朝穫隴畝交縱橫我行
別吳會君方事躬耕區田本古法耘耔皆有程穎秀異常
稻嘉穠含精英白露節已過腰鎌循田塍畝收三十鍾實

理非虛名老親期食新昨返瀨上城山妻久辟穀已治中
厨羹斗米屢折腰三逕思淵明作詩就君乞耿結抒中誠
所冀餉升斗寶若簞珠贏會見加餐飯耳目增聰明瓊瑤
矢投報南望吳天橫

漢上感秋有懷西湖舊隱

桃花紅引武陵漁三徑蕭閒有傲廬水漱玉壺容貯酒天
留石屋與藏書烟霞入夢歸心動湖海論交壯志虛添種
梅花親參鶴結隣還欲傍巢居